



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 30. |

NOVOSTI

IV stručna rasprava o „Nacrtu preporuka za imjene i dopune zakona o VSTV-u“ održana je u Sarajevu, 11.05.2017.

U okviru svog projekta „Program održivosti civilnog društva u BiH“ – Sektor Pravosudna vlast u BiH, koji podržava USAID, Forum Građana Tuzle, zajedno sa partnerskom organizacijom Helsinški odbor za ljudska prava RS iz Bijeljine, organizovali su i proveli treću stručnu raspravu (od planiranih 5 rasprava), o „Nacrtu preporuka za imjene i dopune zakona o VSTV-u“.

Projektna radna grupa, formirana od predstavnika sudskih i tužilačkih strukovnih udruženja iz BiH, nosilaca pravosudnih funkcija, je, nakon višemjesečnog rada, sačinila određene preporuke za izmjenu postojećeg zakona koje bi trebale da doprinesu nezavisnosti, samostalnosti i odgovornosti VSTV-a, pa samim time i sudske vlasti čime bi se doprinijelo izgradnji povjerenja u ovaj važan dio državne vlasti.-u.







Javni poziv organizacijama civilnog društva s iskustvom u radu na zaštiti prava ranjivih grupa u kontaktu sa sudom

Visoko sudsko i tužilačko vijeće Bosne i Hercegovine (VSTV BiH) poziva zainteresovane organizacije civilnog društva (OCD) da izraze svoje interesovanje za učešće na inicijalnom sastanku u vezi implementacije aktivnosti projekta „Unapređenje efikasnosti sudova i odgovornosti sudija i tužilaca u BiH – druga faza“ (Projekat ICEA) kojeg finansira Vlada Švedske.

Sastanak će se održati 31. maja 2017. godine u prostorijama VSTV-a BiH, s početkom u 10:00 sati.

Jedna od komponenti Projekta ICEA podrazumijeva unapređenje položaja ranjivih grupa u kontaktu sa sudovima i uspostavljanje modela sudova po mjeri korisnika („user friendly court“).

Iako sudovi u BiH imaju propisane i ustaljene obrasce postupanja prema korisnicima sudova, postavlja se pitanje koliko takve prakse uvažavaju potrebe pojedinih ranjivih grupa u našem društvu. U tom pogledu, Projekat ICEA ima namjeru sagledati ulogu savremenih sudova: kako osigurati pravilan tretman pripadnika ranjivih grupa, tako da svi dobiju razumljivu informaciju, pravilnu uputu i odgovarajuću pomoć u ostvarivanju svojih prava?

Sastanak se organizuje u svrhu iniciranja dijaloga s OCD i identificiranja ključnih pitanja u pogledu zaštite prava ranjivih grupa u kontaktu sa sudovima. Na sastanku je planirana prezentacija aktivnosti Projekta ICEA, kao i okvirnih područja eventualne saradnje koja su do sada planirana projektnim prijedlogom. Nakon uvodne prezentacije, predstavnici OCD će imati priliku da u diskusiji iznesu svoje prijedloge za intervenciju Projekta ICEA u ovoj oblasti odnosno prezentiraju dosadašnja iskustva i potrebe iz pozicije zaštite interesa pripadnika ranjivih grupa.

Teme sastanka su:

Uvodna prezentacija projektnih aktivnosti;
Iskustva i preporuke OCD:

- a) Sudska praksa i položaj ranjivih grupa u sistemu građanskog i krivičnog pravosuđa;
- b) Izvještavanje o sudskim predmetima od posebnog značaja za ranjive grupe i
- c) Edukacija i uspostavljanje modela suda po mjeri korisnika u ciljnim sudovima.

Dnevni red je dostupan za preuzimanje kao prilog pozivu objavljenom na web stranicama: <http://pravosudje.ba> i <http://vstv.pravosudje.ba>.

Molimo da najkasnije do 24. maja 2017. godine, potvrdite Vaše učešće na sastanku. Za potvrdu učešća, kao i sve dodatne informacije, molimo Vas da nas kontaktirate putem e-mail adrese: nina.radosavljevic@pravosudje.ba ili na broj telefona: 033 704 609.

Preuzeto sa <http://vsts.pravosudje.ba>

VSTV BiH imenovao nosioce pravosudnih funkcija

Visoko sudsko i tužilačko vijeće Bosne i Hercegovine (VSTV BiH) je, tokom drugog dana sjednice koja se održava 10. i 11. maja 2017. godine u Sarajevu, donijelo odluku o imenovanju nosilaca pravosudnih funkcija u Bosni i Hercegovini.

Na nivou Federacije Bosne i Hercegovine, imenovani su:

Jozak-Mađar Katica, na poziciju predsjednika Kantonalnog suda u Novom Travniku;
Sinanović Amela, na poziciju sudije u Općinski sud u Zenici;
Velagić Edita, na poziciju sudije u Općinski sud u Tuzli;
Junuzović Jasmin, na poziciju sudije u Općinski sud u Tuzli;
Murtić Senad, na poziciju dodatnog sudije u Općinski sud u Kaknju;
Džaferović Adnana, na poziciju stručnog saradnika u Općinski sud u Sarajevu;
Savić Miroslav, na poziciju stručnog saradnika u Općinski sud u Sarajevu;
Hadžibegić Nerma, na poziciju stručnog saradnika u Općinski sud u Sarajevu;

Na nivou Republike Srpske, imenovani su:

Eror Nedeljka, na poziciju sudije u Okružni sud u Prijedoru;
Miodragović Basrak Mirjana, na poziciju sudije u Okružni sud u Prijedoru;
Marin Drena, na poziciju sudije u Okružni sud u Prijedoru;
Baštinac Jasminka, na poziciju sudije u Okružni sud u Prijedoru;
Janjić Radomir, na poziciju sudije u Okružni sud u Prijedoru;
Kondić Vukašin, na poziciju tužioca u Okružno javno tužilaštvo u Prijedoru;
Macanović Ljubo, na poziciju tužioca u Okružno javno tužilaštvo u Prijedoru;
Muminović Damir, na poziciju tužioca u Okružno javno tužilaštvo u Prijedoru;
Dedić Irman, na poziciju tužioca u Okružno javno tužilaštvo u Prijedoru;

Pri donošenju Odluke o imenovanju VSTV BiH je uzeo u obzir kriterije poput: stručnog znanja, radnog iskustva i radnih rezultata; stručne sposobnosti zasnovane na dosadašnjim rezultatima u karijeri; sposobnosti da nepristrano, savjesno, marljivo, odlučno i odgovorno obnaša dužnosti u okviru funkcije za koju se prijavljuje; odnosa sa radnim kolegama, ponašanja van posla, profesionalne nepristranosti, ugleda, rukovodnih i organizacijskih sposobnosti.

Novoimenovani nosioci pravosudnih funkcija će stupiti na dužnost 1.6.2017. godine..

Preuzeto sa <http://vsts.pravosudje.ba>

